

畿

輔

安

瀾

志

畿輔安瀾志

河卷上

原委

漳河卷中

故道

漳河卷下

附載

隄防

橋渡

祠廟

水利

畿輔安瀾志

漳河卷上

原委

漳水有清濁二源清漳周職方之漳水也濁漳周職方之潞水也清漳出山西平定州樂平縣西北二寸

里之少山

去縣二十五里

周禮職方氏冀州其川漳其浸汾潞

漢書地理

志上黨郡沾縣

謹案故城在樂平縣西南二十里

大更谷

謹案地理志見

地郡有大更縣師古曰更即古更字清漳水所出東北至阜城入人

河過郡五

謹案方輿紀要上黨魏郡清河信都渤海

行千六百八十里

冀州川 山海經北山經又東北百二十里曰少

山清漳之水出焉東流於濁漳之水郭璞註清出

少山大繩谷

謹案更為古要字譌作繩又譌作繩也

水經清漳出

上黨沾縣西北少山大繩谷南酈注淮南子曰清

漳出揭戾山高誘云山在沾縣今清漳出沾縣故

城東北俗謂之漳山後漢分沾縣爲樂平郡治其  
山亦曰鹿谷山水出大要谷南流逕沾縣故城東

謹案經文雙譌作龍  
註故以大要谷正之

元和郡縣志樂平縣清漳

水山縣西南少山一名何逢山

謹案禹貢惟有漳水周禮職方乃有漳有潞漢書  
地理志與水經注皆先濁漳而後清漳但志以濁  
漳入清漳而以清漳爲冀州川則固當以清漳爲  
主矣水經注於濁漳自發源以至於入海叙次甚

長而清漳至武安入濁漳則甚短乃濁漳於武安縣之交漳口又以爲清水決入之口不明言與清漳合清水豈卽清漳歟疑注文有譌也且以篇法次第言之當先叙清漳入濁漳而後接入濁漳以迄於歸海則一氣聯屬貫注三篇實一篇矣乃附清漳於濁漳之後不幾倒置歟後人疑經文或誤入注注或誤作經文又焉知是篇先後之不系歟今據周禮漢志叙清漳於前蓋取其源流之順也

東流入遼州和順縣逕州東南梁榆水入之轅水入之又逕潞安府黎城縣東北

水經注清漳又南逕昔陽城

謹案在樂平縣東五十里

又南得

梁榆水口出梁榆城西大嶸山水有二源北水東

南流逕其城東南注南水南水亦出西山東逕文

當城北亦東北逕梁榆城南卽勝與故城也司馬

彪袁崧郡國志並言涅縣

謹案和順縣西平城廢縣卽漢涅縣地

有

關與聚關關亦云關與今梁榆城是也清漳又東



南與轅水相得轅水出轅河縣西北轅山南流逕

轅河縣西南東流至粟城注於清漳

謹案方輿紀要云清漳水

源出沾嶺北流十八里復折而西南流名潮流水又南入遼州和順縣境分爲二一自略平城縣東

出遼州南一里而東一自和順縣石猴嶺流逕州東七十里而南至交漳村二水合沛兮石猴嶺在

和順縣西北四十里乃梁榆水所出平城則在縣西百里卽古平部城縣小又出其西北入賦嶺襄

宇記云遼陽水從平城縣西北入賦嶺下出名入風水東南流逕古遼陽城南謂之遼陽水是也非

清漳一水分而復合也

元和郡縣志清漳水在黎城縣東

北五十里

又東逕河南彰德府涉縣境亦名涉河與濁漳水合  
〔水經〕清漳水東過涉縣西屈從縣南東至武安縣  
南黍窖邑入於濁漳酈注漳水於此有涉河之稱  
蓋名因地變也 元和郡縣志清漳水一名涉河  
在涉縣南一里  
濁漳出山西潞安府長子縣五十里之發鳩山與陽  
泉水散蓋水合流而東

漢書地理志上黨郡長子縣鹿谷山濁漳水所出

〔山海經〕發鳩之山漳水出焉東流注於河 永

〔經〕濁漳水出上黨長子縣西發鳩山東過其縣南

酈注漳水出鹿谷山與發鳩連麓而在南淮南子

謂之發苞山左則陽泉水注之右則散蓋水入焉

三源同出一山但以南北爲別耳 〔魏書地形志〕

長子縣有廉山濁漳出焉 王鑑禹貢考有四星

池是爲靈湫爲漳水之源其山蒼秀挺聳諸山四

面如列屏然鹿谷其別名也 〔胡渭禹貢錐指〕漢

志云出鹿谷山淮南子云發苞山後魏志云廉山  
蓋皆發鳩之異名也 山西通志傘蓋水源出傘  
蓋山下東北流五十里合漳古名散蓋水

謹案發鳩山或以爲卽地形志之盤秀嶺非也考  
地形志濁漳所出爲廉山屬長子藍水所出爲盤  
秀嶺屬寄氏又地形志屯留縣有陽水源出三槐  
山

過其縣南則有堯水梁水陶水注之

水經注濁漳又東堯水自西山東北流逕堯廟北  
又東逕長子縣故城南東北流入漳水漳水東會  
於梁水梁水出南梁山北流至長子縣故城南又  
北入漳水陶水南出南陶北流至長子城東西轉  
逕其城北東注於漳水 魏書地形志上黨郡長

子羊頭山神農泉北有穀關有泉北流至陶鄉名  
陶水合羊頭山水北流入濁漳 山西通志陶水

在長治縣東南八十里源出雄山東坡北流合陶

清河西至長子界入漳水

又東北流逕長子縣西則藍水入之

水經注漳水東逕長留縣南又屈逕其城東東北

流有絳水注之絳水西出穀遠縣東發鳩之谷

漢書地理志

穀遠縣故城在沁源縣南門外謂之絳水西出穀遠縣爲濫水東

逕屯留縣故城南東北流入於漳 魏書地形志

上黨郡寄氏有盤秀嶺藍水出其南北流合濫漳

樂陽分長子寄氏置有望天嶺絳水所出

謹案地形志之藍水卽水經注濫水絳與濫自是  
二水或作一水且以爲絳水卽水經注凍水皆非  
也水經注有陳水無凍水許氏說文有凍水然云  
入河不云入漳陳水見下

又東北流逕壺關縣黎水石子河水入之疑卽陳水  
也

水經注漳水又東陳水注之水出西發鳩山東逕  
余吾縣故城南又東逕屯留縣故城北又東流注

於葷故許慎曰水發鴈山入關從水章聲也漳水  
逕壺關縣故城西又屈逕其城北故黎國也二  
統志山水河在長治縣南八五龍山西溝澗奔趨  
城南皆會此河合黎水 山西通志黎水在長治  
縣南二十五里源出黎侯嶺北流至城西上人名  
黑水河合石子河西入漳水石子河由壺關北界  
經長治縣境百穀山峽西南流環城西北下胥亂  
石又南會黑水河經瀑河頭入漳水洪濤聲聞數



里

謹案水經注陳水絳水雖云出發鳩山然一逕屯留故城南一逕屯留故城北明是二水則以陳水爲卽絳水而以陳爲傳刻之誤其說固有所難通也或者以地形志云屯留縣絳水自寄氏界來入潁漳因名交漳余吾城陽水源出三槐山東流合車臺水東南入絳水符於水經注陳水逕余吾屯留之文遂以陳水爲絳水然絳水入漳故漳亦得

絳之名則陽水疑卽陽泉水也惟水經注於陳水引許慎以爲入關則山水河諸水或卽陳水未可知耳

又東北流逕襄垣縣北則銅鞮水合專池水葦池水公主水榆交水皇后水入焉一名西漳河亦名小漳水

水經注漳水厯鹿臺山與鞮水合水出銅鞮縣西北石磴山東流與專池水合出八特山又東南逕

女諫水北則蓋池水與公主水合而右注之南則  
榆交水與皇后水合而左入焉銅鞮水又東逕銅  
鞮縣故城北又東逕襄垣縣入於漳 魏書地形

志鄉郡銅鞮二漢晉屬上黨有銅鞮城石梯水東  
行入漳 方輿紀要漳水在山西沁州西二里有  
二源一出伏牛山西谷一山州西北二十里滑川  
流至交口合爲一川名西漳河又名小漳亦謂之  
銅鞮水流經此又東南入潞安府襄垣縣虢亭鎮

至甘村合於濁漳 山西通志銅鞮水在銅鞮山

下伏牛南麓之水逕紫金山漳河合流入潞

謹案地形志則銅鞮城之水卽石梯水也水經注  
鞮水出銅鞮石磴山當卽石梯山也第山西通志  
引水經注銅鞮西有石梯山則注無此文不知何  
據

又東北流逕潞城縣北又名潞水

水經注漳水又東北過屯留縣潞縣北酈注縣故

赤翟潞子國也闕駟曰有潞水爲冀州潞卽漳水也余案燕書王猛與慕容苻相遇於潞川也障固山泉鬻水與軍入絹匹水二石侔大川可以爲浸所有巨浪長湍惟漳水耳故世人亦謂濁漳爲潞水矣 方輿紀要山西潞安府潞城縣濁漳水在縣北自襄垣縣流入界

又東北至黎城縣西南則黃須水入之

水經注漳水於是左右黃須水口水出壁臺

謹案在黎

城縣西南十里西張諱巖下又南入於漳

又東北流則渾水合武鄉水入之

永經注漳水又東北厯望夫山山之南有石人疇

於山上狀有懷於雲表

謹案一名石疇山在縣西北六十里據注文有懷雲

表語望夫當是望天之譌魏書地形志上黨樂陽有望天嶺絳水所出

有洹水

謹案當是

渾水考淇水篇有洹水亦出上黨長子縣逕內黃入白溝白溝逕銅馬城西又經羅勒城漳水注之爲利漕口清漳白溝淇河咸得通稱則洹水入淇不入漳因白溝清漳通稱而誤也西出覆

甌山而東流與西湯溪水合水出涅縣西山湯谷

五泉俱會謂之五會之泉交東南流謂之西湯水

又東南注湟水又東逕湟縣故城南

謹案城在武鄉縣西五十

里東與白雞水合皇水又東南武鄉水會焉水源

出武山西南逕武鄉縣故城西而南出

謹案武鄉故城在榆

社縣西北三十里得清谷水口源出東北長山清谷西南

與鞞鞞白壁二水合南入武鄉水又南流得黃水

口黃水三源同注一壑

謹案黃花嶺水出榆社西五十里黃花嶺或云卽黃

水東南流與隱室水合又東入武鄉水武鄉水又

東南注於涅水涅水又東南流注於漳水 魏書  
地形志鄉郡陽城有覆餽山涅水出焉東南合武  
鄉水 山西通志涅水一名甲水源出縣西九十  
里護甲嶺之南流逕縣西五里東段村入漳河  
又東逕河南林縣北則蒼石溪之水注之

水經注漳水又逕礪陽城北倉石水入焉水出林  
慮縣之倉石溪東北逕魯班門北逕偏橋東又北  
合白水溪水出壺關縣東白水川東注於蒼溪水



蒼溪水又北逕礪陽城東而北流注於漳水方  
輿紀要礪陽城在林縣北八十里有倉溪水經城  
西隅入於漳水

又東左合清漳水於涉縣東南之交漳口

永羅濁漳又東過武安縣酈注漳水於縣東清漳  
水自涉縣東南來注之世謂決入之所爲交漳口  
酈案交漳口卽合漳口在涉縣界與林縣接境舊  
爲武安縣東南境二漳之合諸書或言涉縣或言

林縣或言武安緣今昔州縣分境不同且隨舉地界相近立文非水道變改也

又東流至田家嘴而入直隸廣平府磁州西界

磁州志清漳山黎城縣清串村流至涉縣西毛嶺口濁漳圍和順縣馮家莊流至林縣西北牛嶺村二水至涉縣東南田家嘴合爲一古名交漳口東二里至吳家河入磁州西南境

又東流逕羊城爲吳家河

謹案吳家河在磁州西南三十里由白熊洞逕鳳凰山之麓至羊臺村卽羊城村蓋土俗卽漳河入境之流以名之非別有一河也

又東流逕冶子村又東流逕漳村又東流逕柿園又東流逕岳城又東流逕屯頭又東流逕武吉村又東流逕武城南南與安陽縣之豐樂鎮中分是爲官道渡口

河渠考畧漳自涉縣至州境吳家河東流十五里

至羊城又東三十一里至漳村又東十七里至岳  
城又東二十七里有半至講武城官道渡口又東  
二里有半南白道又東十一里抵臨漳境自講  
武城以西之南岸屬安陽縣以東之南岸屬臨漳  
縣 二統志岳城在磁州西南五十里相傳岳飛  
屯兵於此今有鎮 一方輿紀要講武城在磁州南  
五十里 畿輔通志講武城一在磁州南漳河之  
北一在磁州西舊滏陽縣皆魏武帝所築

又東流出州界入河南彰德府臨漳縣北界之務本村

謹案漳水逕磁州南境東西約百餘里滏水在漳河之東北往時滏爲漳奪多有泛溢之患元郭守敬言磁州東北漳滏合流處也方輿紀要明家樂九年漳水決於張固村北合於滏陽河尋脩塞之成化中漳水復挾而東南出滏水之舊流幾絕磁州志漳滏合流在州東北五里開河村漳得滏助

每爲民害成化十一年州判張瑄塞其交會之口  
疏濬北流而漳漸遠徙二水遂分卽開河以東地  
雖低窪亦久無冲決之患矣劉戩脩州城記成化  
十八年秋大雨漳濬俱溢壞公私廬舍此蓋一時  
泛濫至水退時漳濬仍自分流也今城東二祖村  
猶有溝渠存焉北接邯鄲縣南大屯河沙堡東里  
西里二堡爲漳河故道別見於後一統志昔時漳  
濬合流康熙二十三年漳河東徙三十三年漳河

復還故道尋又東徙溢水獨行遂無水患

又東自臨漳縣東界之羊羔村分爲二一曰南漳河  
由臨漳縣之酈家莊賀兒集至李家岡入直隸大名  
府魏縣西境之中三家村亦名魏河由中三家村而  
東又東流逕漳神廟又東流逕羅兒莊出境入元城  
縣西境之段家莊至東西店合於北漳其長四十七  
里

元和郡縣志魏縣舊漳河在西北十里新漳河在

縣西北二十里 太平寰宇記舊漳可即史起所  
築以灌鄴旁者歐陽忞曰漳河過魏縣亦謂之魏  
河 明史地理志魏河又有新舊二漳下流俱合  
於衛河

一曰北漳河由臨漳縣之杜油房入廣平府成安縣  
漢斥邱縣地南境之鄭冢莊

元和郡縣志斥邱故城在成安東縣南三十里  
廣平府志成安南鄰於鄴故於漳爲近元致和二



年河決自臨漳入縣明成宏間輒泛溢爲患至正  
德中徙入魏縣萬歷十六年復來始由李彪郭坊  
寺經洛固東河等村達肥鄉遷徙不一

本朝順治十一年大雨水注城漂公私廬舍殆盡康熙  
七年復然自是每歲水發輒淹漫去則淤渟城外  
愈高內愈下四十三年以後河漸定復徙而南六  
十一年自臨漳羊羔村入縣東南重村雍正五年  
自臨漳油村入縣西林疇至范疇下起趙三家村

分爲二支一由魏縣南一由魏縣北均至館陶入  
衛乾隆五年大水盡趨南支北支遂涸其趨而南  
者當元城之上流慮冲決爲城郭患嘗議於趙三  
家村築壩引使歸北支故道水至冲壩不成而能  
近更南遷惟由魏縣一支府屬諸邑舊爲漳水所  
經者大抵皆與糧沃產畧辯河形而已

〔經案〕南北二支本山

明宏治二年羊羔村決口而成一南入魏縣南一  
北入成安縣南遷魏縣北今府志云自趙三家村

分支殆  
非也

片

又東流入魏縣西北境之馬豐頭又東流逕劉河下  
又東流逕梁河下又東流逕朱河下又東流逕羅兒  
莊出境入元城縣西境之卽村其南岸爲元城縣之  
西店其長四十里乾隆二十二年漳水浸魏縣城居  
民遷徙避害者十之七八直隸總督方觀承乃採買  
讓不與水爭地之說奏請分併入大名元城二縣又  
請將大名縣治移入鄆城改大名爲首縣得

旨允行

明史地理志元城縣西有漳河 一統志西店集  
在大名府城西北二十里

譚案康熙三十八年巡撫李光地奏支河一道西  
起廣平縣之李家莊東至元城縣之楊兒莊長二  
十里今涇乾隆九年分南漳河水勢開行善村支  
河自本村逕王辛寨之北歷五龍廟至高兒寨出  
境入元城縣之申家橋長四十里亦漸淤廢二十  
二年又於北漳河之朱河下對岸別開支河歷廣

平縣趙兒寨西南入魏河之町上村至元城縣相

公莊出境歸老漳河故道長十二里

此老漳河自  
成安縣界村

分流入衛之  
一支別見

又有南支溝在舊魏縣西南今縣之

正四上自臨漳縣羊羔村南分流東北流逕李家

崗入境首由中三家行善村入於南漳今行善村

淤塞卽南趨六座樓李大磨仕望集西家莊蔡小

莊四劉屯亦至李家口合流東北行八里許復分

兩支北支逕大屯村北拐村南支逕大屯村前亦

入北拐村滙流而東逕前屯村出境接元城縣高  
家隄其長八十餘里又李家口南分岔支直趨南  
栢村東大韓道入府城濠乾隆二十三年於南栢  
村築壩今斷流二十四年直隸總督方觀承因漳  
河水道改疏奏請濬治 奏畧竊照漳河向由豫  
省歸德縣之酈家村東北流逕舊縣入館陶縣境  
與衛河合流本年七月內上游汎水盛漲由酈家  
村改流東南直注大名府城水退之後分爲二支

一由拐里村逕府城之北下合衛河一由戚家墳  
逕趨城南連濠一片附近村莊多被淹沒其酈家  
村改流處所寬八十餘丈似可容納全漳而數里  
之外則已淤淺窄現當冬令水尚間段出槽一遇  
汛發之期縱橫四溢勢必遷變不測而府城適當  
其衝尤爲可慮查酈家村北股舊道淤塞止有五  
里以下河身照常深通今應於新衛河口稍東迎  
溜處作爲河頭挑河長六百八十丈計三里七分

接入舊河面寬十八丈至十二丈底寬十三丈至  
六丈深一丈二尺五寸至二尺五寸不等臣移會  
河南撫臣胡寶琮轉飭臨漳縣幫同直隸工員妥  
協辦理嗣後每遇伏秋汛期直隸兩省各派河員  
公同防守如有河身停淤之處仍照例動用民力  
隨時疏通 裁併魏縣奏畧查得大名府屬之魏  
縣西距郡城四十里城周五里因漳河遶城南北  
遷徙靡常城內形如釜底乾隆二十二年夏月漳



河上游水漲魏邑城外朱河下地方民隄漫溢水  
勢冲入小東門有如注魏城內水深七尺衙署倉  
獄廟宇民舍多被淹浸倒塌城垣亦有坍塌仰蒙  
聖主逾格加恩賑恤窮黎咸稱得所惟遶城地益淤高積水  
全無去路

上諭令臣確查情形妥議請

旨茲據布政使吳士功按察使永寧會呈稱魏縣縣治初在  
於村後因漳水爲害遷於洹水鎮復改遷今治皆

不免水患今又經漳水灌浸遽難修復若於境內  
另行擇地改建必在距城稍遠之處體察民情又  
復不願竊以魏邑係繁難中治所轄三百三十七  
村與大名元城二縣犬牙相錯司道等詳加相度  
大名府屬之大名縣附近府城地甚褊小而附郭  
元城縣亦係中治似不如將魏縣裁汰就近歸併  
大名元城二縣管轄毋庸再議遷築城署

謹案方輿紀要及府縣志明成化十八年漳水決

魏縣西入城市宏治二年溢魏縣羊羔口田災五年復決朱家河口塞之十四年漳水溢魏縣十五年決魏縣西北界趨廣平縣東南下流皆被其害仍入館陶合衛河嘉靖中漳衛屢溢三十年爲患尤劇三十六年自縣及元城大名以南二三百里間皆爲巨浸久之患始息隆慶三年漳水大溢大名縣城垣廬舍幾至爲墟萬曆二十年復漲溢害稼自是之後爲患非一

本朝康熙四十三年以後益徙而南而魏首當其衝蓋  
魏縣之漳與他屬異漳自臨漳而北西入磁州邯  
鄲東入成安廣平猶有所分也而魏則一縣受全  
漳之水矣經由他縣不過一隅而魏則四周環繞  
矣南河北河混決排蕩新支故道水碎瓦裂今歲  
決而南明歲決而北河身東西五十里而近南北  
直十數里間耳二流勢必合併縣處其中安所冀  
厥居乎且漳之入衛較昔年至河間府獻縣之鮑

家嘴尤爲近便水性趨下豈能復挽之北哉併省  
之議誠不得已也

南北漳旣合於元城縣之西店東流逕楊家橋至趙  
鴨寨入山東東昌府館陶縣西界之李鴨寨長三十  
六里抵秤鈎灣全漳入衛其行善村支河自申家橋  
入元城縣境由南馬頭西馬頭至鄒兒莊仍穿大名  
縣境復入元城縣西北境之馬寨又東流逕迤兒莊  
南支溝之水由萬家隄繞三岔河口合爲一流至齊

固村出元城縣境逕館陶縣西之爐隄村徐家倉入  
衛又縣東三里引河上接金家潭漳河故道之流逕  
王家莊何家莊入漳衛合流至山東臨清州則有會  
通河水自東南來注之其經流則是而名稱則非也

謹案漳水見於禹貢紀於周職方著於山海經班  
固地理志桑欽水經詳於酈道元注原其所始清

濁吳源指其歸宿同入大河唐人以其獨達於海

請以爲瀆

見蔡氏沈  
尚書集傳

自周定王五年河徙下亂漳

津迨河去而漳絳仍循故道入海且其下流又爲  
漳沱所奪故漢志云入河水經云入海非有異同  
也古時漳本不通備三國志魏武帝紀建安十八  
年繫漳水入白溝以通河漕水經淇水篇注白溝  
又北逕問亭東卽魏界也魏縣故城應劭曰魏武  
侯之別都也卽元城縣西之魏店又東北逕羅勒城又東北  
漳水注之謂之利漕口下自清漳淇河白溝咸得  
通稱也漳水篇注漳水又東北過斥漳縣南酈注

建安十八年魏太祖鑿渠引漳水東入清洹以通  
河漕名曰利漕渠漳津故瀆水舊斷溪東北出涓  
流滯注而已蓋在道元時此渠已湮廢矣陳壽志  
本紀無利漕之名管輅傳父爲利漕利漕民郭恩  
則知道元所紀非妄今其地無考大約在元城曲

周二縣界中

宋史河渠志大中祥符八年著作佐郎李垂上導河形勝書自大伾西八

十里曹公所開運渠東五里引河水天禧四年垂又上疏河利害請自魏州東界曹公所開運渠東五里河北岸凸處就岸竇曲周漢斥漳縣地隋之土堅引之正北卽此渠也



開永濟渠也則用沁元之治御河也兼用汶余關

以汶牙原未嘗專以漳資運也宋時引漳水注雅

馬河入大名府城灌御河以通漕運才一用之宋史

河渠志李垂上導河形勝書請於魏縣北作一渠正北稍西逕衡漳直北下出邢洛如夏書過洛水

稍東注馬水合百濟河會潮河而注於海頗爲煩其議遂寢南渡以後北屬於

金廢而不脩歷有年所至明始用漳以資漕運直

德十年六月甲辰永平縣丞李佑請脩閉漳水以

防民患疏通衛河以濟舟楫事下行在工部請從

所言九月壬辰僨運糧儲總兵官及羣臣會議漳  
德河徃時東入衛河至臨清與運河會今北流入  
滹沱而衛河亦淺宜障而東蓋合漳滏二河言之  
故統名之漳德河斯時猶未盡合也正統十三年  
御史林廷舉言漳河自沁州發源七十溝會而爲  
隄至肥鄉縣等處隄岸逼隘水勢湍急以故爲民  
害元時分支流入衛河以殺其勢永樂間堙塞舊  
跡猶存去廣平大留村十八里宜發丁夫鑿通仍

於漳河置閘遏水轉入疏廣肥鄉水道則漳河水  
減免居民患而衛河水增亦足爲漕舟之便從之  
漳水遂通於衛泰昌元年總河侍郎王佐言衛河  
水弱惟挽漳引沁閘丹三策萬厯二十八年十二  
月工部議引漳河已經具題咨河漕臣會同保定  
河南撫臣督率司道查議應并催務期引漳會衛  
以圖永濟從之崇禎十三年侍郎張國維言且且  
酌引漳沁閘丹水疏通溢淇洹三水之利害得失

於是漳與衛蓋相須而不可緩矣。乃漳性悍急，始與河合流，河去而漳卽行其道。自河合淮之後，與漳絕遠，漳乃直趨於衛矣。明萬厯間，給事中王德完有言：「漳河決小屯，經魏縣元城，抵館陶入衛，爲一變；其害小。決高家口，斯二流於臨漳之南，此俱至成安、昌彪河合流，逕廣平肥鄉，至曲周入滏水，同流至青縣入運河，爲再變。其害大。」時人事誰爲爲之？方輿紀要曰：「魏縣人謂漳河爲神河，然則

雖欲不棄魏地以予漳寧易得哉

畿輔安瀾志

臣王履泰恭纂

漳河卷中

故道

一支自磁州東南二祖村

王存九域志滏陽縣有昭德觀城臺城二祖四鎮

二統志二祖鎮在磁州東北五十里 磁州志

今廢

分爲二一自州西入邯鄲縣東境之南大屯東北流  
逕沙河堡西張萊入永年縣西南境之裴家堡

〔金史地理志〕洛州永年有漳水

又東北流逕孩兒寨關兒寨吳良寨與東一支合一  
自州東入邯鄲縣東境之史家莊東里堡西里堡又  
東北流逕北漳村又東北流逕賀家東里堡李家東  
里堡邢家東里堡小賈莊高里堡辛安鎮入肥鄉縣  
西境之呂家堡又東北流逕毛演堡謝家店入永年

縣東南境之吳良寨與西一支合又東北流逕西關  
寨出境又屈逕肥鄉縣境之西北隅復入永年縣東  
境之王因寨甄家莊入曲周縣西南境之白灘店又  
店自明遷潞陽集橋入於潞

二統志萬厯十六年漳河分二支一逕邯鄲永年  
至曲周入潞陽河又漳水自臨漳縣三臺口分爲

二謹案水經注濁漳篇漢高帝十二年置魏郡治  
鄴縣後分魏郡置東西部都尉故曰三魏城之  
西北有三臺省因城爲基建安十五年魏武其支  
所起中曰銅雀臺南則金虎臺北曰冰井臺



流入邯鄲逕縣東十里又北經肥鄉縣西二十里  
又東北逕曲周西南十里流合滏陽河 邯鄲縣  
志漳河故道一自磁州三臺口北流入邯鄲經永  
年入曲周會滏陽河口康熙二十三年徙而南故  
道遂湮 廣平府志漳水在明季離永年稍遠後  
漸趨而北順治初至城南十里許溢入滏河二水  
并流衝決爲害知縣王報春徙河而南以後遂遠  
去縣境無漳患矣

謹案此二支雖云支流然地逼西南與礪州切近  
三臺口決患首及之故叙於諸故道支河之前循  
是而東成安其次矣

一支自廣平府成安縣

漢曰斥邱

亦村首受河南臨漳縣

東北流之水

明史地理志成安有漳水自河南臨漳縣流入

一統志漳河經礪州南又東入河南臨漳縣界又

東逕成安縣至廣平西南分爲二流蓋自臨漳縣

三臺口分而爲二其正流入成安縣南二里

東流逕栢寺營又東流逕西抹疇又東流逕艾東村  
入廣平縣西南境之南溫村又東流逕北高曲李家  
高曲平東北流逕紫荆山

二統志紫荆山在廣平縣東北三十里舊漳河旁  
廣平縣志在山北張村西逼河岸

入大名府魏縣北之義井村則有朱家河下之支水  
入焉又東流五里入廣平縣西南境之西堡又東流

逕四寺莊又東流入大名府元城縣西南境之李寧  
村又東流復入廣平縣西南境之杜村又東流四里  
逕婆留村一名薄頭村又東流入元城縣西境之沙圪塔  
而入山東館陶縣西境之孟兒寨又東北流至南館  
陶鎮俗名秤鈎灣入於衛

水經注漳水又東右逕斥邱縣北卽裴縣故城南  
應劭曰列入縣西南六十里有卽裴城故縣也裴  
音非 太平寰宇記魏州成安縣濁漳水自溢陽

縣流入 方輿紀要漳河在成安縣南十里自臨漳縣東北流入縣界 元史本紀世祖至元二年秋七月己亥漳河泛溢至廣平城下 明史地理志廣平縣北有河漳 廣平府志明宏治間漳河決於臨漳入廣平縣西南境自後頻爲泛溢康熙四十二年河又決城北民失業者數載後漸南徙故道淤填復爲沃壤

謹案此一支乃漳河之決而東流者非北流正派

也成安縣志漳河在縣南卽此是也今故道猶存  
又寰宇記所稱滏陽縣卽今磁州隋書地理志後  
周置一統志明洪武初省 明萬歷間知廣平縣  
陳鑿漳水議畧漳河漢唐以前其治易以黃河故  
道繞大名山河間達於海則黃河深廣而漳水易  
洩所以消息而不爲害宋元以後其治難以黃河  
繞徐州至淮安入於海以河身淤淺而漳亦難洩  
所以散漫而不可制在今日尤甚宋元漳河南決

從大名西出自臨漳繞魏縣過府城之南由艾家  
口入於衛河其流久其河深川故道也邇則向南  
之河忽湧成淤北決自臨漳過魏縣從元城以達  
於節陶此新河之一派也又自范佛堂南決一口  
泛溢而爲回流魏與元城均在回流之中而廣平  
西南若柳村屯龍兒莊南溢油房等村泛則板蕩  
淤則爲沙礫必也相地勢畫經畧立邱甸深溝洫  
時蓄洩播嘉粒水一泛溢則散於五縣溝渠水一

乾涸取於萬井蓄積則沙礫變爲沃土板蕩登於  
衽席矣

一支自成安縣亦村折而東北流逕縣城東馬頭又  
東北流歷吳家灘固子村而入肥鄉西南境之吳家  
堡

水經注漳水又東北逕列人縣故城南右合白渠  
故瀆南山所在又分東逕肥鄉縣故城北太平  
寰宇記洛州肥鄉縣漳水自成安縣流入禹貢



雖指列入城在今肥鄉縣西北肥鄉故城在今縣

西二十二里 肥鄉縣志漳河明嘉隆間決魏縣

之回龍鎮南入御河萬厯戊戌復入本縣垂七十

餘年移徙不常淤塞靡定俗傳南不過御北不過

滏祀者以雞葱之類投之自驗 方輿紀要漳河

在肥鄉縣北十里舊自黃平流入境又東北入曲

周縣界今多淺澗 澤畔狂言從花佛堂泛濫廣

平西南若柳林屯龐兒莊南溫油房等村肥之有

漳而不甚爲害者幾三十年萬厯戊戌順流而下  
始入肥鄉之西境

又東北流逕城南伏邱山

肥鄉縣志浮邱山在縣南四里土阜高於平地卽  
伏邱山也 方輿紀要或以爲古隄遺址近是

折而東北流逕三里堤又東北流逕西張寨東張寨  
八山周縣東南境之北高村又東北逕老營村河固  
村安兒寨分爲二一支自河固村西之李莊逕四夫

人寨北馬遂新楊莊第四疇蔡上寨五間房而西北  
入雞澤縣東境之羅官營經韓寧村復入縣境於日  
口之北以達於平鄉西南境之長河鎮下入鉅鹿縣  
南之賈莊而絕流

水經注漳水又東北逕斥漳縣南尚書所謂覃懷  
底績至於衡漳者也 元和郡縣志漳水在曲周  
縣西二十九里又洛漳二水在雞澤縣東南二十  
五里合流東入平鄉縣界 禹貢錐指漢志鄴東

有故大河北入海又廣平斥漳縣註應劭曰漳水  
出沾北入海通典衡漳入河在肥鄉界蓋河由鄴  
東而東漳從鄴北橫流至肥鄉斥漳二縣界入河  
故酈氏以爲禹貢之衡漳也今曲周縣東有斥漳  
城方輿紀要漳水在曲周縣西南三十里自成  
安廣平肥鄉三縣而至縣界東北流逕平鄉縣境  
合於洛河志云今縣東十五里有漳河枯瀆漳水  
舊自肥鄉北口接西南趙林村至縣東北南入威

縣其後自魏縣東出經流變徙遂爲枯瀆萬厯初  
漳水遂合淦流而北出不復經故道矣舊有漳河  
隄在縣東二十里 曲周縣志縣境所稱漳河故  
道不一而足皆昔年漳水泛濫經行之處今悉民  
間沃產 明史地理志雞澤漳水在縣東 一統  
志漳水又北逕曲周縣東南一里流合淦陽河自  
曲周縣東漳淦合流北逕雞澤縣東十二里又北  
入順德府平鄉縣東界

謹案此河明成化十八年東決自麟兒村至蘇家莊入廣宗界而舊漳河無水廣平縣志馬鹿村在縣北十五里久不行水古岸猶存平鄉縣志順治九年鉅邑于賈莊前築橫隄一道平邑受害則知其流已斷矣

一支自河固村東北流逕小新寨小連寨小第入北龍堂又東北流逕張遂村則有自山東館陶縣北出至縣東北王固村之支河流入焉又北流入順德府

平鄉縣南境逕麟兒橋是爲小漳河

元和郡縣志濁漳河在平鄉西南十里 太平寰

宇記平鄉縣濁漳水今俗名柳河在縣西南十里

南和縣漳河在縣東三十里從平鄉縣界流來括

地志今俗名柳河 方輿紀要濁漳水在縣西南

二十里自廣平府曲周縣入境又東北逕縣東十

里復折而西北流入南和縣界合於澧河志云今

縣東二十餘里爲舊漳河又東十二里有新漳河

漳水流濁易決舊漳河久淤填不能容水每至漲  
溢則西入滏陽東入新漳而沙洛諸流亦不時泛  
溢與漳滏諸流合爲一壑蓋邑之爲地外高中舉  
浸淫所不能免也正統中嘗爲隄以防之宏治十  
四年復大濫縣令唐澤大修隄障環繞邑境民困  
始蘇蓋川流變徙大抵非故道矣 平鄉縣志漳  
水入平鄉境四位村至東南馬魯村南入鉅鹿界  
成化十八年東決入廣宗界自是舊漳無水曲周



縣東橋向係漳溢合流康熙二十二年復歸八月間仍循東流自五十五年水不至平而新漳無水惟上游冲決水滂不常又縣東十五里相傳是縣舊治故址漢建興十五年大水城壞徙置舊治在今縣西六里宋建隆元年漳河決縣城大中稍移開徙今治

謹案方輿紀要漳河在南和縣東北自平鄉縣合沙洛諸流入縣境又西北會於灃河而入任鄠灃

河上源卽百泉水自邢臺縣流入任縣境漳水及沙洛諸川俱流合焉又東北入降平縣之大陸澤明實錄武宗正德元年濬滏陽河景泰間漳水并入漫流冲曲周等縣地方沿河各築隄以防泛濫成化間舊河淤塞於村之西南冲決爲新河合沙洛等河入穆家口兩岸亦築隄備之宏治初漳水徙入御河民棄隄不脩理近年漳水復入新河西岸地皆淹沒任縣等高陽等以爲言不巡撫官勘

處至是具奏言穆家口乃衆河之口請從此先濬  
乃併濬舊河新河分流以殺其勢隄岸亦漸加脩  
築一統志漳水舊在平鄉距鹿之東廣宗之西有  
大小二河亦謂之新舊二河新河爲大河在舊小  
河東小漳河亦名劉累河皆注大陸澤明天順中  
漳河徙入運河北流之道幾絕萬厯三十年漳河  
徙入滏陽自是折而西北入任縣界二河漸成平

陸

水朝康熙中又東徙自邱縣北逕廣宗之西距鹿之東  
注寧晉泊所謂新漳河也近年上游逕由館陶入  
魏不入滏陽矣劉累河首起永年縣滏陽河八閘  
之水往時漳河決入滏陽故土俗亦號斯河爲小  
漳其與廣宗距鹿之小漳河判然二水大小不侔  
詳大陸澤篇

又北逕麟兒村董固村

羅案宋史河渠志元豐元年議有欲自夏津東開簽河入

董固村

蘇家莊入廣宗縣南境其東岸上自曲周陳

卽此

家莊正北入廣宗縣之南三周村又北流逕鋪上小  
莊霍城寨五甲莊陳村洗馬村青村觀村又西北流  
逕尹板臺村其西岸自平鄉閭家莊正北入廣宗縣  
之燒畬莊折而東北流逕太平臺小栢社東臺村又  
折而西北流四里逕尹板臺村

明實錄永樂二十年十月辛卯漳河水溢廣宗縣  
詳案此河自康熙四十年以後久經淤塞並未挑  
濬僅存河形南三周村在縣兒村之東上與陳家

莊接界蓋曲周縣境之斜入者廣宗縣志按平鄉縣志明成化十八年壬寅漳河東決流注成河自麟兒村至蘇家莊入廣宗縣界所謂新漳河也卽今之小漳河考廣宗縣南界曲周而漳河上流自南三周卽入廣宗縣境舊志所謂董固麟兒蘇家莊皆其經流處也

北入鉅鹿縣南境之花窩村又北逕張王町王六村馮家寨蘇家營又出而西北逕臺頭紫城北屋深伏

卷之三  
君廟

一名府君廟

明史地理志鉅鹿漳水舊在縣東有大小二河亦謂之新舊二河其後北徙不復至縣境而二河遂成平陸方輿紀要漳水舊在鉅鹿縣有二河自平鄉縣東北流入縣境與廣宗縣接境北注於大陸澤夫順中漳河徙悉入於運河北道之流幾絕其後漳水餘流自平鄉北徙合於南和之澧河不復至縣境二河漸成平陸矣唐志貞元中邢州刺

史元誼徙漳水自州東二十里出自鉅鹿縣十里入於故瀆民賴其利宋元祐初大河北徙決入漳河漲溢爲害其後河復南山漳亦隨之故道多塞蓋漳水經流其不可復問矣

謹案方輿紀要引舊志云縣北十里有鉅鹿城縣本治此唐垂拱初因漳水爲患徙縣於東南隅卽今縣治劉胸志貞觀初鉅鹿縣治東府亭城嗣聖初徙今治垂拱卽嗣聖之明年舊城當在東府亭



城宋國史云元豐以後大河益徙而北大觀二年  
河決陷鉅鹿遷縣於高地而志不載今城蓋大觀  
中所徙矣考宋史河渠志大觀二年五月丙申邢  
州言河決陷鉅鹿詔遷縣治於高地又以趙州隆  
平下濕亦遷之宋史未嘗失載也

入冀州南宮縣南境之杜家常路又東北流逕小周  
家村大周家村入新河縣境又北流至隆平縣與滏  
陽河會入於寧津泊其下流則今新漳河胡盧河所

行之道也川渠旣斷非復纏絡矣

漳河分支起自磁州東北厯廣平府之邯鄲  
永年成安廣平等縣下至武州新河縣止自元泰  
定帝致和二年卽明宗之天厯元年己巳入境迄  
本朝康熙五十五年丙申而流絕凡三百八十九年明  
實錄英宗正統三年直隸廣平順德二府奏漳河  
決蓋三府之境相連屬也水經漳水又東北過曲  
周縣東又東北過鉅鹿東酈注以衡漳故瀆當之

元衡漳故瀆東北逕南曲縣故城西地理志廣平

有南曲縣應劭曰平恩縣北四十里有南曲縣亭

故縣也又逕鉅周朱故城東衡水又北逕鉅鹿縣

故城東鄭元註尚書引地說云大河東北流過澤

水千里至大陸爲地腹如志之言大陸在鉅鹿地

理志曰水在安平信都

此地理志不知作者以安平國是東漢安帝所改非

班固所上然道元引書多變其辭河水篇鳴犢河下引地理志曰順帝更名安平本是應劭註亦

班書上云或亦其例此漳水與大陸澤相關之明驗也但

今大陸澤在鉅鹿澤之西南小河漳之東北注者  
則寧晉泊耳泊澤本相連通與元和志皆云邢趙  
深三州爲大陸澤地是也詳大陸澤寧晉泊二篇  
今取諸邑志所載被水故迹並記於下 成安縣

志元致和二年夏六月漳水決自臨漳入成安境  
內始由鄭家莊北重村南呂彪東郭坊西日羅東  
漳河西野莊西嚮義東路固東東河東小隄東入  
肥鄉境明成化宏治間其餘派入陽寺北陽連送

等溝正德間始入魏縣以安惟故道存焉萬厯十六年水復北徙入本縣境隄外辛寨宋南寶公等村二十三年由隄東呂彪故道甘羅吳家疇東河小隄等村入肥鄉境二十八年決王林隄由金山陽寺西馬頭化兒店隄西等村入肥鄉境三十年決寶公隄由辛義霍村南魚口說法臺城南郭分流東一支由郭轉小口北道東堡王固村入肥鄉境西一支由西關范院莊曲村姚家堡西南莊諸

村入肥鄉境四十二年連送陽寺諸村夜半河決  
水薄城下至十月兩支始涸大河由徐村連送彭  
留北漳姚家堡入肥鄉境崇禎十四年秋由連送  
口至城下抵南隄而東由水門浸入城學宮水深  
丈許逾年始涸

朝順治九年由連送徙南魚口經說法臺抵南門而  
東至馬頭隄小隄西沙窩村龐村闢村店小隄諸  
村入肥鄉境十年冬十二月稍徙而南去城里許

十一年夏霖雨水湧入城康熙元年八月雨五晝  
夜由馬頭隄徙道東堡大隄西入肥鄉七年七月  
自說法臺冲南鄉潰西隄由南門入城決城西北  
隅而出十年八月十一年六月大水輒往年入城  
者高數丈知縣王楷始峻其隄迄今完固 廣平  
府志肥鄉縣自唐以來頻苦漳溢縣令韋景駿築  
隄障之其故道已不可考明成化間由成安東北  
流入境距城東六里嘉靖十七年徙入於衛隆慶

三年決鄆米隄浸城數年復南徙萬厯間又徙縣西

本朝順治九年徙縣東康熙四年秋七月水注城遂僞

治郡城皇華館後移舊店營水旣久踞縣境惟西

北余公河洩水得無恙

謹案余公河起張遂村至王固村長四十餘里本漳

河故道也明嘉靖中余炯濬治以洩漳  
淫卽今小漳河上流詳見淫陽河篇

舊有護城

隄盡圯雍正九年知縣王建中營城浚隍築隄其

上漳去無患蓋自乙巳後垂七十年至是始復舊



業 曲周縣志漳水自肥鄉縣界山趙固安兒寨  
公城堡馬蘭相公莊胡近口韓家莊流上寨入淦  
河同流明嘉靖甲子七月潰城西門天啓丙寅水  
至城下深丈餘崇禎庚午夏決南隄浸城後歲以  
爲常平鄉民築橫隄於下流水怒無所洩輒溢

本朝順治間曾勘毀隄立石

謹案此卽宏治中知縣唐澤所築之奠中安東鎮西

三隄而安東竟毀其時漳流故道不與今同有舊漳河隄一道在城東二十里南起照臨安兒寨南里岳漳河流第六幢第四幢第二幢康熙十年後  
至韓村漳必循隄而下此可想見也

漸徙而南二十九年由廣平之平固店入本縣三  
塔下流至邱縣與滏分而城東之河遂涸今距縣  
百有餘里斷嘴不及畧辨河形 平鄉縣志萬厯  
壬寅漳河入滏崇禎乙亥東徙水尤散漫靡常知  
縣江衍汶就舊漳河之右濬小漳以分水勢於鉅  
鹿

本朝順治九年漳河水漲陞任傳令在賈莊前築東西  
橫隄一道西至大宋岡地勢高阜迤西相隔三百

九十步又有南北斜隄一道往南半里許止西北至府君廟其賈莊前橫隄北係鉅鹿地南係平鄉地每遇漳水氾漲北有賈莊之橫隄壅塞西有大宋崗地勢高阜故水有來源無洩路致平民田產淹沒故士民私掘橫隄以洩水勢倘鉅鹿復築橫隄則平鄉必致受淹

譚案平鄉居曲周鉅鹿之間向築隄則爲患曲周鉅鹿亦

築隄爲平鄉患蓋在上方者每以下流爲壑而下流不得不竭力以捍之觀此則知二邑水道之大畧矣賈莊橫隄築後曲周於自日一丈之流遂絕所行者惟張遂村小漳河一支而已故詳志之

廣宗縣志漳河故道由平鄉東衛家莊來縣西

北十五里馬鹿村

即馬魯村

入鉅鹿界是爲老漳河久

不行水古岸猶存小漳河由平縣東董沽村

即董固村

來縣境南五里遶城西折而北至板臺入鉅鹿境

舊案自鉅鹿下至新河志皆不志漳水明貞錄宣宗宣德五年九月壬子直隸鉅鹿縣奏六月苦雨

漳河泛溢頻河被災命覆勘除其租鉅鹿縣志天

順間東二漳河上流決遶入運一河遂湮又隆

慶三年大水遶城自任縣至鉅鹿舟楫相通又萬

厯二十五年水漲田舍漂沒今絕不聞有水蓋其

流久

又有漳河故道或云南枝溝漫水也上無河形由四

劉屯雙井集逕中橋村前馬河後

馬河今淤疑卽宋時所引漳水注

馬河故道也歸元城縣之三里引河

老漳河漳河正流故瀆也自成安縣亦村東流至沙  
圪塔入山東館陶縣西河寨折而北復入直隸廣平  
府廣平縣東上無河形蓋其流久斷矣

方輿紀要漳河在館陶縣西南五十里自北直大  
名府流入縣界經南館陶鎮又東北逕邱縣合衛

河後魏孝昌三年源子恭討葛榮於信都行至陽平東北漳水曲敗死卽此志云今漳水所經卽屯氏河故道也

自廣平縣東蘇兒莊逕張凍村平固倉而入曲周縣之東西三塔村東與館陶之小沙窩接界又北逕西陽固蔣莊土路村分爲二一出山東邱縣之東北一出邱縣之北

方輿紀要邱縣漳河在縣東南自館陶縣流入界

舊有隄曰虞公隄

其北流入曲周縣東境由陳家莊與張逸村之流合  
下流卽平鄉縣之小漳河也其東北流者入曲周縣  
之黃河套逕香城固又分爲二

方輿紀要香城固堡在曲周縣東北六十里接威  
縣界

一支東北逕威縣南之蔡家寨司新莊小油房入山  
東冠縣之黎園頭復斜入縣境之東堂村第三口而

流絕

威縣志自漳河東流入廣宗縣逕威縣北五十里  
經鎮社之南東南達冠縣以入於運河今湮塞惟  
沙磧存焉

謹案舊時漳河由此合其入衛之道必經清河縣  
之南而志略之威縣之第三口下至邵固集卽接  
鯨隄今河流已斷者明宏治中清河民宗安等請  
築堰水隄以障衛河在新集洪河南去縣三十里



東自御河厓西至縣隄長五十里漳河之流惟由西北一支所謂洛河故道者是

一支西北出曰洛河故道亦曰黃河枯槽實卽漳水支流也土俗稱之曰趙旺河上起曲周縣之北劉村

卽舊上岡斜入冠縣西南之黎園頭北逕威縣之河窪村

又北逕廣宗縣之油布村丁家庄復入威縣之小高廟

明史地理志廣宗漳水舊在縣西 威縣志縣西

北八里有廣宗王廟俗呼大高廟小高廟

又逕鹿臺村于隄村宋家寨徐家莊至趙村而下入  
冀州南宮縣之河清村其下曰開河渠始有黃盧河  
之名亦曰清陽江

隋書地理志武安郡洛水舊曰斥漳後齊省入平  
恩開皇六年分置 明史地理志威縣漳水舊在  
南洛水自西流入焉 方輿紀要威縣漳水舊在  
縣南自曲周縣界流入杜佑曰洛水縣南有衡漳

瀆是也今漳流決徙不一故瀆遂涸  
〔威縣志〕縣北至清河接南宮有黃河枯槽寬五里相傳古黃河去曲周縣東五十里仁義社自邱縣界入威縣界今堙廢又洛河故道一支自漳河東流入廣宗縣界經威縣城南五河窪村東南達於黃河與運河合流卽黃河枯槽蓋由清河縣東之蔡河以達於運

其在清河縣者自山東臨清州之牛家寨西接廣宗

縣界東北入縣西之梨坑村逕漢信成縣故城南

方輿紀要信成城在清河西北十二里

又東流逕王家莊又東逕疏水渠之石碑口又東流折而北入冀州南宮縣之亭上村東派別出一支曰蔡河下入山東武城縣又東北流至張寬村入南宮縣界今涸

方輿紀要漳水東北逕順德府廣宗縣東入冀州之南宮縣境——統志漳河東北逕威縣南清河

縣北入冀州南宮縣界曰老漳河

謹案冀州志漳河渾濁所過輒淤舊河旣難復循而注又湍悍奔激橫噬旁突不就約束故或南或北遷徙時月之間便已改易安能與現在形勢相合自此而下亦姑舉其大畧而已

其正流自南宮縣東南之馬村北

冀州志漳河在南宮縣西南五十里此是山東邱縣東行之一支所謂老漳河也

謹案古漳河在南宮縣東南七十里之和生社自  
清河北界流入縣志云濁漳貫南宮入冀州海子  
葉恒嵩曰南宮夷曠無高山大河故老稱澤演濁  
漳下流必達信都今皆壅閼治作田禾水無所出  
既已沉溺故城滙爲大陂恒雨卽平陸化爲巨浸  
南宮交困嘗觀地形自高家莊孟家村抵冀州王  
村左折新河窰上村東入鹽河一帶七十餘里皆  
順流卑陷故道依然有善爲籌策者度工用準高

亦索遺跡而穿之不啻免害利亦興矣

逕棗強縣之東北與河間府故城縣接界

太平寰宇記枯樟河在棗強縣東南十里又東流

入蓀縣界 二統志在棗強縣東北漳河自山東

邱縣東行之一支也自嶺平府清河縣流入與河

間府故城縣接界又北漳河北流入故城縣界經

縣西

北入武邑縣之東南

冀州志此老漳河也在武邑縣城東南四十二里  
自棗強北界入境至阜城西界出境長六十二里  
又北逕景州西

景州志張甲河自棗強縣東北至武邑又東北入  
州境王哥枝又東北至千民屯又北至劉八莊又  
東北至樂家寨入阜城定卷山界本境河身長二  
十里零現有河岸向以河心爲界西屬武邑東屬  
景州而由阜城交河入青縣之鮑家嘴歸運乾隆



四年議開此河迴漳清運擬在山東館陶等處建  
築閘壩以時啟閉東直二省會勘以直省水利非  
宜議罷

謹案一統志張甲故瀆在故城縣及景州界舊志  
在景州西七十里東北入阜城界考此卽老漳河  
所行之道也又云漳河李家河樊家河俱在城東  
北導水入窪之路考張甲河由棗強縣東南來至  
州東北順政鄉合於漳河今棗強縣志無張甲河

有黃盧河是卽古黃河之所逕河去而漳循其故  
道景州則猶存張甲之名一統志所云漳河爲導  
水入滹之路則其岔支也

又北逕吳橋縣東

太平寰宇記德州將陵縣漳河水自貝州漳南縣  
流入西去縣二十五里方輿紀要漳河在吳橋  
縣東二十五里衛河挾河而北每遇霖潦往往輒  
溢此卽衛漳二水決而東出者非漳河正流也

又北逕東光縣西

太平寰宇記濁漳水在東光縣故城北三十里今  
邑西一里方輿紀要漳水在東光縣西一里自  
吳橋縣流入又北仍合於衛河今上流已涸不復  
至縣西也

又東北逕阜城縣西北則有土平河之水自西南來  
注之又東逕交河縣南

漢書地理志清漳水東北至阜城入大河前水經

注衡漳又東逕弓高縣故城北又東北逕阜城縣故城北  
宋史地理志修縣阜城東光有漳河  
交河縣志洺河在縣西五里邑名洺陽以此有洺河寺在縣東三十里今廢

謹案此卽古漳河所行之道縣志謂之洺水漳洺本同稱也志又云洺陽唐名未知何據一統志此漳河自邱縣分流獨行厯故城景州阜城交河諸境與武邑縣西之胡盧河絕不相涉舊志謂卽胡

盧河誤又漳河未入交河之先別有岔支一道自  
阜城蔣家莊入縣之常家菴由田家廟至夾河村  
東歸正河正河至佟家莊分出一支迤邐東南卽  
志載沙河而正河至三岔河又分一支迤邐東北  
卽志載倒流河考漳河現在形勢自阜城縣分支  
入境行六七里合流東行可二里許復分二支其  
一稍南東行與東光縣西北接界亦名沙河自縣  
東南歸於漫河長三十里其正支稍北經縣城南

東北行逕城東之八尺高村張大窪之水入焉復  
東北行至西濟橋倒流河之水入焉復東行里許  
曰三岔口漫河之水入焉又東北七八里小營河  
之水入焉又東行四里許直縣之東北隅新挑溝  
之水入焉自此與滹沱河脉絡相通又並東北行  
至高家莊入青縣長一百餘里今涸

又東北至天津府青縣之杜林木村與滹沱河合

二統志杜林鎮在青縣南七十里南接交河縣界

漳沱漳河至此合流磁州志謂之杜梨木蓋聲音之訛

謹案李光地勘漳河覆疏老漳河至青縣之林木鎮與完固口之支流合支流卽漳沱別河也新漳水自衡水縣下合漳沱會流於獻縣其下爲子牙河雍正四年怡賢親王慮運河水漲堵塞完固口而漳沱支流不與老漳河合矣

又東北至鮑家嘴入於運河其合處曰岔河口亦曰

汶河口此漳水之經流也

水經注漳水又東北逕阜城縣故城北又東逕建  
成縣故城南又東左會漳沱別河故瀆又東北合  
清河謂之合河口 畿輔通志鮑家嘴在青縣南  
二里 二統志老漳河又東北至滄州西界合漳  
沱河

謹案地理志清池縣西四十里有衡漳隄二顯  
元年築寰宇記衡漳水在廢藺符縣西六十



在今滄州界內舊志謂今漳水自支河東北入青  
縣不經州界以州西至衛河青縣界僅一百步故  
屬青縣非水道有改也考唐書循吏傳薛大鼎爲  
滄州刺史疏長蘆衡漳三渠蓋卽胡盧河一也衡  
卽漢志絳水二也漳卽濁漳三也

新漳河漳河之支流也一名小漳河自山東邱縣北  
出入直隸廣宗平鄉距鹿縣境又北至趙州隆平縣  
爲清水河入寧晉縣之寧晉泊

宋史河渠志漳河源於山西由磁洛州南入冀州  
新河鎮與胡盧河合流其後遷徙入於大河熙寧  
七年六月知並州王慶民言州有小漳河向爲黃  
河所壅塞今河已東乞開濬詔外都水監相度

方輿紀要豐河在寧晉縣東志云卽漳河故道也  
自胡盧河分流東出入冀州界爲清水河之上源  
畿輔通志小漳河在新河縣舊城西十里漳河  
之分也 一統志漳滏二水自趙州寧晉縣合流

東北逕新河縣北舊漳河一名清水河縣界西北  
二面去河各三十里 明史地理志冀州新河有  
清水河成化後湮

謹案新河縣志清水河在縣西十里由鉅鹿出寧  
晉縣界遶舊城西北又東北流至衡水縣達獻縣  
單家橋入青縣與御河合又名小漳河亦曰滏水  
考漳滏合流於寧晉泊故或以漳爲滏也然諸書  
多名漳爲清水河不與新河志同者以昔年新漳

挾潞北出後爲潯沱所奪名之曰潯潞漚流河

貫泊而出南宮縣南

明史地理志冀州南宮潯水在北 南宮縣志古

水潭在舊城北衡潯諸水涵積爲洲廣數里

又東北逕東鹿縣南深州西又東北逕冀州王家莊  
與潯沱河合

元和郡縣志衡潯水在鹿池南 金史地理志東

鹿有衡潯靜安有衡潯

又東北逕冀州隄

漢書地理志信都國信都故漳河在北東入海

謹案冀州志漳河在州西北二十五里此新漳河也又云胡盧河此漳溢之會流也在州西北二十五里志所云二河其方隅道里所同曠列爲二非也畿輔通志漳溢貫泊而出達於冀州自冀州而下漳溢之名爲漚沱所掩而漚沱之目亦與胡盧互舉此言得之今考冀州境內城西南有小乾河

一道上接南宮縣之韓家窪自州境內南王村起  
由新河縣之審上村又入州境下至衡水縣止長  
七十里俗名小漳河卽濁漳分流也

又東北逕衡山縣之浪子橋卽郎子橋與胡盧河長蘆水

互受通稱矣

文獻通考衡水有衡漳故瀆 方輿紀要漳水在

冀州西北二十五里逕南宮縣北又東流入衡水  
縣界亦謂之長蘆水今州西二里有長蘆溝蓋卽

漳水支流也 二統志漳水逕衡水武邑二縣北  
入深州武強縣界卽古衡漳及長蘆水故道也

衡水縣志郎子橋西南四十里

又東北逕衡水縣之石橋

衡水縣志漳河在縣西里許遶舊縣城南而東下  
新縣遶城西而北下石橋在縣西半里許

又東北流逕武邑之圈頭又東北流逕武邑之趙橋

金史地理志武邑有漳水 太平寰宇記衡漳在

武邑縣北三十三里 方輿紀要漳水在武邑縣  
西北自衡水縣流入又東北達武強境縣北有滹  
沱水自深州入武強經縣界入河間府交河縣境  
蓋滹沱橫決挾漳水而南出非正流也 武邑縣  
志圈頭集在縣西十八里趙橋集在縣東北三十  
里漳河在縣西北二十里自順治五年滹沱自上  
流入漳河道寬濶屢經泛漲兩岸築堤由此而起  
又東北流逕武強縣之小范店



金史地理志深州武強有衡漳明史地理志晉

州武強有漳河在縣東又南有滹沱河舊合漳

方輿紀要清漳水在武強縣東二十里自武邑縣

東北流逕縣境又東入阜城縣界武強縣志東

太平鄉有小範店清漳逕其左又清水河在縣東

十八里舊逕縣小範店入於阜城縣界今由縣東

北入獻縣界

又東北逕獻縣完固口分爲二以下皆滹沱別支所

行之道蓋挾漳而東北出者也一由單家橋至淮鎮  
逕高川至青縣之杜黎木與老漳河會又至青縣南  
鮑家嘴歸運一由臧家橋至河間縣之沙河橋又逕  
龍花橋至大城縣爲子牙河出王家口歸三角淀雍  
正九年怡賢親王奏請堵築完固口新漳二流皆絕  
今所行者惟滹沱下尾耳

並詳滹  
沱河篇

謹案新漳河所行之道其來已久自冀州以下爲  
滹沱所亂然在武邑武強二縣間酈道元已厯厯

言之水經漳水又東北至昌亭與滹沱河會注經

叙阜城於下博之下昌亭之上考地非比於事爲

同渤海阜城又在東昌之東非也

此是後漢安平國之阜城乃前

漢信都國之昌城故注明其非渤海之阜城也

漳水又東北逕武邑郡北

魏所置也又東逕武強縣北而東逕武隧縣故城

南

方輿紀要城在武強縣東北三十里漢縣屬河南國後漢屬安平國北齊省入武強今爲沙窩

村白馬河注之水承滹池東逕樂鄉城北

方輿紀要城在

深州東三十里饒陽縣南又東北逕武邑郡北而東入衡

水謂之交津口衡漳又東逕武邑縣故城北又東北右會張平口故溝上承武強淵淵之西南側水有武強縣故治故淵得其名焉淵水又東南結而爲淵又謂之郎君淵淵水北通謂之石虎口又東北爲張平津澤水所泛北決隄口謂之張刀溝北注衡河謂之張平口亦曰張平溝水溢則南注水耗則輒流衡漳又逕東昌故城北經所謂昌亭也俗名之曰東相蓋昌相聲韻合故致誤矣西有昌

城故曰是城爲東昌矣

太平寰宇記東昌故城在武邑縣東北二十八里

又東北左會漳沱故瀆謂之合口又東北分爲二

當其水決處名之曰李聰渙此衡漳之在深冀間

者約略如此今以漳沱會流而完固口又斷不復

有漳之自矣 又案漳河自明萬厯二年北溢由

魏縣肥鄉入曲周之滏陽河而館陶之流絕迄

本朝順治九年又自廣平縣之杜村經元城縣賈家莊

復達廣平之平固店直注山東邱縣分爲二支一

折而西北由廣宗平鄉鉅鹿抵寧晉會滏陽河至  
冀州合滹沱河俗曰新漳河一折而東北由威縣  
清河南宮聚強故城武邑景州阜城交河至青縣  
出鮑家嘴入於運河俗曰老漳河康熙三十六年  
漳水復至館陶與衛河合此後北流寢微四十七  
年入邱縣上流盡塞而全漳歸衛五十年復於館  
陶築隄以逼之而邱縣之東支遂涸上游日就湮  
廢惟故城以下形迹尚顯猶有瀝水滙洩也 李

光地集答彭學士書畧蒙示雄縣任邱自受順天  
保定河間之水與漳河無涉又漳河未合滹沱之  
先已分爲二支既合之後又疏爲二支此處似須  
詳明又廣平縣被淹專係漳水乃在未合滹沱之  
先滹沱之水不能至廣平縣也漳河卽禹貢所謂  
洺水也其性湍悍不亞黃河汎至冀州又挾滹沱  
並流滹沱亦係渾水性亦剽急所以其勢甚大臧  
家單家兩支皆其末稍也臧家一支卽所謂子牙

河貽害八州縣已十餘年自命築隄之後六年以  
來生民衽席矣至於漳水未合漳沱之先初入直  
隸之境如成安曲周肥鄉廣平諸縣自古受患蓋  
此數縣地皆沙土所以容易遷徙先是河經肥鄉  
等處至近年全河悉注廣平一邑水流到此散爲  
多支所以民地多被河佔

聖明察民疾苦豁除地賦以需水涸民始有更生之樂此漳  
河上游末流兩大關節也一漳河之源有二一出



山西樂平縣少山名清漳一出長子縣鳩山名濁  
漳二漳異源而下流相合有合漳口在林縣境內  
東至忻州虞讓村自豐樂鎮而東至臨漳之西北  
流入成安之西南入直隸界二漳河入直隸現在  
分爲四支一支自直隸大名府之魏縣元城縣流  
至山東館陶縣地方歸衛入運一支由直隸廣平  
縣至山東邱縣地方復分爲二其一俗呼老漳河  
自邱縣東北分流經直隸威縣南宮康強景州武

邑阜城交河等地至青縣北杜林鎮與完固口支  
流合至鮑家嘴歸運又其一俗呼爲小漳河亦自  
邱縣西北分流經直隸之鉅鹿廣宗平鄉至寧晉  
與滏河會又經東鹿冀州與滹沱河會山衡水至  
獻縣完固口復分爲二支一支名單家橋河自完  
固口流至青縣會老漳河至鮑家嘴歸運一支名  
臧家橋河經河間大城爲子牙河出王家口歸淀  
查漳河現在末流所分四支三支歸運一支入淀

先因臧家橋一道水勢深廣湍悍而河間獻縣上  
流之堤岸不脩大城靜海下流之堤岸久壞故夏  
秋之間水發淹漫不獨四縣之民田受害而水勢  
所注青縣文安霸州保定各州縣俱一片汪洋人  
民失業已卯春

聖駕南巡指授方略命撫臣將靜海大城獻縣河間一帶堤  
岸盡行脩築蓋西堤以護河獻文大保霸州六縣  
田廬而東堤以拯靜海青縣兩處淹沒又恐兩岸

對迫必有一傷復命於東子牙隄上游廣福樓地  
方開河一道分水入淀由是水勢暢流兩岸完固  
五六年間八州縣田土盡涸收成豐倍至康熙四  
十年又欽奉

上諭漳河現在分流須令永久分流纔好若併而歸運則於  
漕道有妨并歸子牙河則民田受害爾等再往詳看來奏

欽此遵奉巡看河源至臨漳縣十一月在玉泉山  
摺子啓奏查漳河現在分爲四支三支歸運一支

歸淀然歸運之三支水勢頗弱其歸淀一支水勢獨強約其水勢三支之水僅可以敵一支是則此時漳水一半歸運一半歸淀運道既無難受之虞子牙河亦得分殺水勢誠有如此

聖諭所云者然歸淀一支強而深通入運三支弱而淤淺臣等議得所經由各地方應令官於每年水未發時分殺挑濬臣等按季察示務令此三支俱疏通無滯以殺小漳河之勢如遇水大時仍用挑水壩等

法通水分流庶幾北不致挾潯沱以浸田南不致  
合備以害運

